

MALAYSIA
DEWAN RAKYAT
ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI RABU, 26 SEPTEMBER 2012, PUKUL 10.00 PAGI

Bil. 39

PERTANYAAN-PERTANYAAN BAGI JAWAB LISAN

1. PR-1253-L51866

Tuan Haji Mohd Nor bin Othman [Hulu Terengganu] minta **MENTERI PELAJARAN** menyatakan sejauh manakah Falsafah Pendidikan Kebangsaan dalam menyediakan Pelan Pembangunan Pendidikan (*Education Blueprint*) menjadikan Penyata Razak dan Laporan Rahman Talib sebagai asas dan menjurus kepada pembentukan perpaduan negara dalam kalangan murid serta usaha menyatupadukan murid daripada pelbagai kaum.

2. PR-1253-L51032

Puan Fong Po Kuan [Batu Gajah] minta **MENTERI PERTAHANAN** menyatakan apakah satu kajian semula dibuat berkenaan bayaran pampasan kepada keluarga mendiang A.Tamilarasi. Jika ya, bila. Nyatakan berapakah peningkatan kos jika cadangan pembinaan kolam renang di kem-kem dilaksanakan.

3. PR-1253-L52175

Dato' Haji Ismail Bin Haji Mohamed Said [Kuala Krau] minta **PERDANA MENTERI** menyatakan usaha yang telah dijalankan bagi memastikan kuota haji Malaysia tidak terjejas berikutan insiden perhimpunan haram memandangkan senarai menunggu yang ramai iaitu 930,000 orang dan kuota yang sedia ada hanya 28,000 orang sahaja.

4. PR-1253-L51770

Dr. Hiew King Cheu [Kota Kinabalu] minta **PERDANA MENTERI** menyatakan mengenai mengapa anggota RCI yang dipilih dan dilantik untuk menyiasat Pendatang Asing Tanpa Izin (PATI) di Sabah adalah orang-orang yang telah mengangkat sumpah di bawah Akta Sumpah Kerahsiaan. Ini bermakna mereka tidak boleh kemukakan apa yang mereka tahu tentang perkara yang lalu. Apakah kesannya jika mereka tanpa kuasa untuk bersuara. Bagaimana pula dengan pegawai-pegawai Kerajaan yang telah membuat sumpah yang sama dan terikat oleh OSA.

5. PR-1253-L52624
Datuk Alexander Nanta Linggi [Kapit] minta **MENTERI PENGANGKUTAN** menyatakan mengapa harga tiket/tambang penumpang penerbangan pesawat MAS, MASWING dan AirAsia di negeri Sarawak adalah terlalu mahal. Apakah langkah-langkah yang perlu diambil oleh Kementerian agar ada jaminan kepada rakyat bahawa tambang penerbangan akan diturunkan ke tahap yang lebih sesuai dengan kemampuan rakyat.
6. PR-1253-L51568
Tuan Chua Tian Chang [Batu] minta **PERDANA MENTERI** menyatakan :-
 - (a) apakah kebijakan dan keistimewaan diberikan kepada Duta Khas ke China dan India serta peranannya mewakili Perdana Menteri; dan
 - (b) nyatakan jumlah kos bagi setiap rombongan rasmi dan tujuan sejak dilantik.
7. PR-1253-L51670
Tuan Hasbi bin Habibollah [Limbang] minta **MENTERI KEMAJUAN LUAR BANDAR DAN WILAYAH** menyatakan adakah Kerajaan dapat menyediakan peruntukan di bawah Program Jiwa Murni untuk membina dan menaik taraf jalan daripada simpang jalan Rumah Juing, Rantau Kurra ke Rumah Stephen, Liang Datu, ke Rumah Brian, Meruyu dan ke Rumah Sing, Karangan Ma.
8. PR-1253-L52144
Dr. Tan Seng Giaw [Kepong] minta **MENTERI PENGAJIAN TINGGI** menyatakan jumlah bilangan pelajar dan negara asalnya di IPTA dan PTS. Apakah bilangan (peratusan) pelajar yang menyalahgunakan visa atau permitnya untuk kegiatan bukan pendidikan serta langkah-langkah untuk mencegahnya.
9. PR-1253-L51025
Tuan William @ Nyallau Anak Badak [Lubok Antu] minta **MENTERI KERJA RAYA** menyatakan setakat mana cadangan pembinaan 2 jalan iaitu Jalan menuju ke Ulu Lemanak dengan jarak 36 kilometer dan jalan menuju ke Ulu Engkari dengan jarak 30 kilometer mendapat pertimbangan daripada Kementerian.
10. PR-1253-L52527
Tuan Chong Chieng Jen [Bandar Kuching] minta **MENTERI PERUSAHAAN PERLADANGAN DAN KOMODITI** menyatakan setakat ini, berapakah jumlah syarikat telah diberi 'soft loan' di bawah skim perladangan hutan, siapakah syarikat tersebut. Adakah sasaran penanaman semula hutan (*re-forestation*) itu telah dicapai. Berapa hektar hutan telah ditanam semula di bawah skim tersebut atau skim lain.

11. PR-1253-L51785
Datuk Dr. Muhammad Leo Michael Toyad [Mukah] minta **MENTERI KEMAJUAN LUAR BANDAR DAN WILAYAH** menyatakan berapa peratus Bekalan Elektrik Luar Bandar di kawasan Bahagian Mukah telah disiapkan dalam rancangan 2012 dan apakah masalah kelewatan dalam menyiapkan projek yang tertangguh di luar bandar.
12. PR-1253-L52998
Tuan Azan bin Ismail [Indera Mahkota] minta **MENTERI KEMAJUAN LUAR BANDAR DAN WILAYAH** menyatakan berapakah peruntukan program Transformasi Mega Luarbandar (RTP), serta keberkesanan rancangan jangka panjangnya.
13. PR-1253-L52614
Tan Sri Dato' Seri Ong Ka Ting [Kulai] minta **PERDANA MENTERI** menyatakan tahap sambungan antara jenis pengangkutan yang disediakan bagi sistem LRT dan bas untuk orang kurang upaya di stesen-stesen MRT yang sedang dibina di Lembah Klang.
14. PR-1253-L52557
Tuan Lim Kit Siang [Ipoh Timur] minta **MENTERI PENGAJIAN TINGGI** menyatakan sama ada beliau masih berhasrat melihat sebuah universiti Malaysia disenaraikan antara 50 universiti paling unggul sedunia dan tiga universiti disenaraikan antara 100 universiti paling unggul sedunia, dan kemajuan setakat ini untuk mencapai objektif-objektif tersebut.
15. PR-1253-L51060
Datuk Aaron Ago Anak Dagang [Kanowit] minta **MENTERI KEWANGAN** menyatakan isu-isu utama yang telah diambil kira oleh Kerajaan dalam merangka dan menimbalangkan Bajet Tahun 2013.
16. PR-1253-L51416
Puan Siti Zailah binti Mohd. Yusoff [Rantau Panjang] minta **MENTERI TENAGA, TEKNOLOGI HIJAU DAN AIR** menyatakan apakah usaha Kerajaan bagi mengurangkan beban akibat daripada pelaksanaan dasar baru dalam kiraan bil elektrik sehingga pengguna menanggung beban kos berkali ganda.
17. PR-1253-L52215
Tan Sri Datuk Seri Syed Hamid bin Syed Jaafar Albar [Kota Tinggi] minta **MENTERI PERUMAHAN DAN KERAJAAN TEMPATAN** menyatakan langkah yang akan diambil Kerajaan untuk memberi kesedaran dan kefahaman kepada masyarakat tentang amalan vandalisma yang semakin ketara di kawasan-kawasan bandar terutama di Kuala Lumpur kerana amalan ini memberi imej yang tidak baik kepada negara.

18. PR-1253-L51277
Tuan Charles Anthony a/l R.Santiago [Klang] minta **PERDANA MENTERI** menyatakan adakah Kerajaan bercadang untuk memperkenalkan peraturan-peraturan yang melarang pegawai tinggi Kerajaan dan ahli badan kehakiman untuk tempoh masa tertentu sebelum dipilih dan dilantik sebagai ahli korporat seperti di negara lain.
19. PR-1253-L51679
Puan Hajah Nancy binti Haji Shukri [Batang Sadong] minta **MENTERI KESIHATAN** menyatakan status proses perlaksanaan transformasi perkhidmatan kesihatan negara.
20. PR-1253-L52904
Tuan Gobalakrishnan a/l Nagapan [Padang Serai] minta **MENTERI TENAGA, TEKNOLOGI HIJAU DAN AIR** menyatakan sama ada permintaan keperluan tenaga dengan penjanaan tenaga berada pada tahap optimum. Apakah rancangan pihak Kementerian dalam memastikan permintaan tenaga dapat dipenuhi pada masa hadapan.
21. PR-1253-L51044
Dato' Seri Haji Azmi bin Khalid [Padang Besar] minta **MENTERI DALAM NEGERI** menyatakan berapakah jumlah PATI yang berjaya diputihkan dalam program PEMUTIHAN yang dilancarkan pada 2010 dan 2011 dan adakah Kerajaan berpuas hati dengan pencapaian ini. Apakah kekangan-kekangan yang dihadapi dalam perlaksanaan program ini.
22. PR-1253-L52754
Tuan Lim Lip Eng [Segambut] minta **MENTERI WILAYAH PERSEKUTUAN DAN KESEJAHTERAAN BANDAR** menyatakan status cadangan Seksyen A dan B bagi membina Jalan Segambut dari jambatan KTM hingga ke Jalan Mont Kiara, kos dan jaraknya. Mengapa Seksyen A masih belum selesai dan apakah langkah-langkah jangka pendek yang sedang dan akan diambil untuk mengatasi masalah kesesakan lalu lintas di Jalan Segambut.
23. PR-1253-L51515
Dato' Haji Ismail Bin Haji Abd. Muttalib [Maran] minta **MENTERI PERUMAHAN DAN KERAJAAN TEMPATAN** menyatakan melalui pelbagai skim yang diperkenalkan, nyatakan bilangan rumah yang telah dibina mengikut pecahan skim di setiap negeri dalam tempoh lima tahun lepas.
24. PR-1253-L52795
Tuan Loke Siew Fook [Rasah] minta **PERDANA MENTERI** menyatakan apakah prosedur atau tatacara yang telah dimuktamadkan oleh Suruhanjaya Pilihan Raya (SPR) untuk melaksanakan proses pengundian luar negara (*overseas voting*) untuk rakyat Malaysia di luar negara dan apakah komitmen SPR melaksanakan cadangan ini dalam Pilihan Raya Umum ke-13.

25. PR-1253-L52569

Tuan Kamalanathan a/l Panchanathan [Hulu Selangor] minta **PERDANA MENTERI** menyatakan secara terperinci status perlaksanaan 32 syor serta cadangan yang telah dikemukakan oleh Jawatankuasa Pilihan Khas Berhubung dengan Penambahbaikan Proses Pilihan Raya:-

- (a) syor yang dapat dilaksanakan pada Pilihan Raya Umum ke-13; dan
- (b) syor yang tidak dapat dilaksanakan pada Pilihan Raya Umum ke-13 dan mengapa ia tidak dapat dilaksanakan dan syor yang tidak dapat dilaksanakan sama sekali dan mengapa.

26. PR-1253-L51108

Tuan Chow Kon Yeow [Tanjung] minta **MENTERI PENGANGKUTAN** menyatakan apakah rancangan Kerajaan Persekutuan untuk mengorek saluran Navigasi di Pelabuhan Pulau Pinang akan dilaksanakan memandangkan Akta Pihak-Pihak Berkusa Pelabuhan 1963 (488) dan Akta Suruhanjaya Pelabuhan Pulau Pinang 1955 (140) hanya memberi kuasa kepada Kerajaan atau Suruhanjaya Pelabuhan Pulau Pinang untuk menjalankan pengorekkan dan bukan pihak penswasta Scaport Terminal Sdn Bhd.

27. PR-1253-L51747

Tuan Liang Teck Meng [Simpang Renggam] minta **PERDANA MENTERI** menyatakan bahawa adakah Jabatan Perpaduan Negara dan Intergrasi Nasional bersedia untuk menambah bilangan anggota-anggota staf dan kenaikan gred pegawai-pegawaiannya termasuk pelantikan anggota-anggota dari pelbagai kaum memandangkan bilangan Kejiranan Rukun Tetangga (KRT), Skim Rondaan Sukarela (SRS) dan Tabika Perpaduan semakin bertambah.

28. PR-1253-L53006

Tuan Er Teck Hwa [Bakri] minta **PERDANA MENTERI** menyatakan apakah langkah-langkah Kerajaan untuk menyelesaikan ketidaaan pengangkutan awam di Kawasan Bukit Naning.

29. PR-1253-L51887

Datuk Dr. Marcus Mojigoh [Putatan] minta **MENTERI LUAR NEGERI** menyatakan :-

- (a) keputusan rundingan dengan negara Filipina mengenai pengwujudan Pejabat Konsulat Filipina di Sabah; dan
- (b) apakah Pejabat Konsulat China, Korea dan Jepun juga akan diwujudkan di Sabah.

30. PR-1253-L52968

Tuan Hee Loy Sian [Petaling Jaya Selatan] minta **MENTERI PERTANIAN DAN INDUSTRI ASAS TANI** menyatakan :-

- (a) bagaimana Kementerian menyelesaikan masalah pengeksportan sarang burung walit ke negara China yang akan menyebabkan kerugian hampir RM5 bilion; dan
- (b) adakah Kementerian masih menekankan penggunaan *Radio Frequency Identification* (RFID) terhadap sarang burung walit walaupun kaedah ini tidak dipersetujui oleh Persatuan/Pengusaha Sarang Burung Walit.

31. PR-1253-L52751

Tuan Lim Lip Eng [Segambut] minta **PERDANA MENTERI** menyatakan sama ada Kerajaan pernah menyiasat legasi oleh bekas pegawai kanan polis, Datuk Ramli Yusuff bahawa bekas Ketua Polis Negara, Tan Sri Musa Hasan pernah berhubung dengan tokoh kongsi gelap Goh Cheng Poh dan BK Tan semasa beliau masih berkhidmat dalam PDRM.

32. PR-1253-L52492

Tuan Tony Pua Kiam Wee [Petaling Jaya Utara] minta **PERDANA MENTERI** menyatakan :-

- (a) nilai tambahan (*value-added*) kepada sektor kewangan ekonomi dengan memindahkan operasi Bursa Malaysia, Suruhanjaya Sekuriti dan ibu pejabat bank-bank ke Tun Razak Exchange (TRX); dan
- (b) secara terperinci apakah faedah cukai yang akan dinikmati oleh syarikat-syarikat kewangan ini yang memindahkan operasi mereka ke zon TRX.

33. PR-1253-L51815

Puan Hajah Zuraida binti Kamaruddin [Ampang] minta **MENTERI PERDAGANGAN ANTARABANGSA DAN INDUSTRI** menyatakan adakah Kerajaan akan mengkaji semula pengurusan permit import kenderaan (AP) bagi penghapusan duti eksais kereta.

34. PR-1253-L52151

Datuk Seri Panglima Wilfred Mojilip Bumburing [Tuaran] minta **MENTERI KEWANGAN** menyatakan :-

- (a) mengapa terma rujukan penubuhan Jawatankuasa Khas bagi meneliti serta mengkaji secara adil dan telus mengenai dengan bayaran royalti petroleum bagi negeri-negeri pantai timur semenanjung tidak merangkumi Sabah dan Sarawak; dan

- (b) apakah Sabah dan Sarawak tidak berhak dalam kajian ini.
35. PR-1253-L51466
Tuan Manogaran a/l Marimuthu [Telok Intan] minta **MENTERI PELAJARAN** menyatakan :-
- (a) apakah langkah-langkah yang diambil oleh pihak Kementerian bagi menggalakkan lebih ramai guru-guru yang berketurunan India dan Cina untuk mengajar di Sekolah-sekolah Kerajaan; dan
- (b) bilangan keseluruhan guru-guru yang berketurunan Cina di sekolah Kerajaan mengikut pecahan pangkat.
36. PR-1253-L52950
Dato' Seri Anwar bin Ibrahim [Permatang Pauh] minta **MENTERI PENGANGKUTAN** menyatakan penjelasan berkenaan penswastaan saman lalu lintas melalui pelaksanaan sistem perangkap kesalahan *Automated Enforcement Systems (AES)*, iaitu satu sistem perangkap kesalahan lalu lintas yang didakwa memerangkap pengguna jalan raya untuk membolehkan syarikat ATES dan BETA TEGAP mengaut keuntungan.
37. PR-1253-L51912
Dato' Kamarudin Bin Jaffar [Tumpat] minta **MENTERI TENAGA, TEKNOLOGI HIJAU DAN AIR** menyatakan apakah perancangan Kementerian bagi menyelesaikan secara jangka panjang masalah air yang berlaku di seluruh negara.
38. PR-1253-L51112
Tuan Chow Kon Yeow [Tanjung] minta **MENTERI PERUMAHAN DAN KERAJAAN TEMPATAN** menyatakan apakah perkembangan program Penyenggaraan Perumahan (PPP) bawah Rancangan Malaysia Ke-10 (RMK-10) yang melibatkan peruntukan sebanyak RM500 juta untuk dilaksanakan sepanjang tempoh RMK-10 (2011-2015) dan sila nyatakan jumlah projek-projek dan jumlah kos penyelenggaran yang telah dijalankan oleh Kerajaan Persekutuan di setiap negeri.
39. PR-1253-L52808
Dato' Zulkifli bin Noordin [Kulim Bandar Baru] minta **MENTERI LUAR NEGERI** menyatakan :-
- (a) nama dan jawatan 3 orang diplomat Kedutaan Singapura yang telah terlibat dan mengambil bahagian dalam himpunan haram yang dilabel Bersih 3.0 pada 28 April 2012 lepas; dan
- (b) adakah Kerajaan bercadang melucutkan status diplomatik mereka dan mengisyiharkan mereka *persona non grata* dan meminta mereka dihantar pulang.

40. PR-1253-L52068
Datuk Haji Yusoff bin Haji Mahal [Labuan] minta **PERDANA MENTERI** menyatakan tindakan Kerajaan dalam menyegerakan pelaksanaan Projek Membangunkan Pengangkutan Marin di Wilayah Persekutuan Labuan apakah lagi perkhidmatan feri laluan Labuan-Menumbok-Labuan kini telah beroperasi lebih aktif dengan adanya dua operator semasa.
41. PR-1253-L51613
Tan Sri Dato' Seri Abd. Khalid bin Ibrahim [Bandar Tun Razak] minta **MENTERI TENAGA, TEKNOLOGI HIJAU DAN AIR** menyatakan apakah usaha yang dibuat untuk memastikan pembiayaan Loji Rawatan Air Langat 2 (Langat 2) tidak akan melebihi peruntukan yang disediakan.
42. PR-1253-L52064
Puan Chong Eng [Bukit Mertajam] minta **PERDANA MENTERI** menyatakan semua jenis bantuan yang telah dihulurkan kepada kaum India di negeri Pulau Pinang bagi tahun 2008, 2009, 2010, 2011 dan 2012.
43. PR-1253-L51729
Tuan Nga Kor Ming [Taiping] minta **MENTERI PELAJARAN** menyatakan adakah Kerajaan mempunyai rancangan meluluskan pembinaan sekolah menengah persendirian Cina di Segamat, Johor dan jika tidak, mengapa.

ATURAN URUSAN MESYUARAT DAN USUL-USUL

- | | | |
|--|---|-----------------------------------|
| 1. (D.R. 30/2012) | "Menyambung Semula Pertimbangan Rang Undang-undang Perubatan Tradisional dan Komplementari 2012 Dalam Jawatankuasa Sebuah-buah Majlis".
(25 September, 2012) | |
| [Menteri Kesihatan] | | |
| 2. (D.R. 33/2012) | Rang Undang-undang Hakmilik Strata
(Pindaan) 2012 | Bacaan Kali
Yang Kedua |
| [Menteri Sumber Asli dan Alam Sekitar] | | |
| 3. (D.R. 32/2012) | Rang Undang-undang Pengurusan Strata
2012 | “ |
| [Menteri Perumahan dan Kerajaan Tempatan] | | |
| 4. (D.R. 34/2012) | Rang Undang-undang Pemindahan
Antarabangsa Banduan 2012 | “ |
| [Menteri Dalam Negeri] | | |
| 5. PR-1253-U51929 | Datuk Dr. Marcus Mojigoh [Putatan] akan mencadangkan:- | |

"Bahawa Dewan ini mengambil maklum bahawa seperti pengambilan dadah jenis lain, menghidu gam, menghidu petrol, menghidu tahi lembu, pengambilan daun ketum dan pil-pil khayal yang tidak tersenarai sebagai dadah berbahaya, adalah menghayalkan dan memudaratkan kesihatan para pengguna di atas" Dan mengambil maklum bahawa, pihak Polis dan pihak berkuasa lain tidak dapat menghalang dan mengambil tindakan ke atas pesalah di atas kerana kesalahan tersebut tidak termaktub dalam mana-mana Akta Kesalahan Pengambilan Dadah. Dan mengambil maklum bahawa, kebanyakkan mereka yang terlibat adalah dari kalangan mereka yang dibuang sekolah, penganggur dan muda mudi di mana, bagi memenuhi ketagihan mereka, mereka sanggup melakukan jenayah bagi mendapatkan wang. Kegiatan ini juga sering berlaku di kawasan setinggan. Maka dengan ini, Dewan hendaklah mengambil ketetapan untuk meminta Kerajaan agar satu Akta dapat dapat diwujudkan bagi menangani gejala yang dimaksudkan di atas, secara efektif."

(Menteri Dalam Negeri)

6. PR-1253-U51933

Datuk Dr. Marcus Mojigoh [Putatan] akan mencadangkan:-

Bahawa Dewan ini mengambil maklum bahawa masalah kesesakan jalan yang dihadapi oleh pengguna jalan raya Putatan-Papar amatlah serius dan pengguna merungut bahawa kesesakan jalan raya ini menyebabkan kesukaran hidup mereka dari segi masa terbuang dan wang ringgit ke atas kos petrol". Dan mengambil maklum bahawa, kemarahan pengguna ini selalu dilemparkan kepada Wakil-wakil Rakyat Tempatan kerana dikatakan tidak mengambil tindakan bagi mengatasi masalah ini. Dan mengambil maklum bahawa jalan raya 2 lorong terutama sekali Jalan Petagas-Sabindo tidak lagi dapat menampung jumlah kenderaan yang menggunakan laluan tersebut setiap hari. Dan mengambil maklum bahawa, selaku Wakil Rakyat, saya juga telah beberapa kali menyuarakan masalah ini di Dewan ini. Maka dengan ini Dewan hendaklah mengambil ketetapan untuk meminta Kerajaan, untuk menaik taraf jalan yang dimaksudkan ke jalan 3 lorong bagi mengatasi masalah yang disebutkan tadi. "

(Menteri Kerja Raya)

7. PR-1253-U51939

Datuk Dr. Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa kebanyakan kontraktor yang bernaung di bawah dewan-dewan Perniagaan dan Industri tidak mendapat peluang untuk mengerjakan projek-projek Kerajaan di negeri Sabah. Dan mengambil maklum bahawa ini menyebabkan para kontraktor yang bernaung di bawah Dewan perniagaan China, India dan Bumiputera lain merungut kerana kekurangan kerja. Maka dengan ini Dewan hendaklah mengambil ketetapan untuk meminta Kerajaan untuk menyalurkan projek-projek Kerajaan kepada para kontraktor ini melalui dewan-dewan perniagaan mereka, sekali gus menampakkan Kerajaan ini adil, telus dan prihatin."

(Perdana Menteri)

8. PR-1253-U51944

Datuk Dr. Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa tambang bagi pengangkutan awam di negeri Sabah adalah terlalu tinggi kerana bahan bakar yang digunakan adalah petrol dan diesel. Dan mengambil maklum bahawa kesemua pengguna Perkhidmatan Awam ini adalah dari golongan yang berpendapatan rendah. Maka dengan ini Dewan hendaklah mengambil ketetapan untuk meminta Kerajaan supaya Kerajaan memanjangkan penggunaan kendaraan gas cecair asli (NGV-Natural Gas Vehicle) ke negeri Sabah bagi mengurangkan bebanan rakyat selaras dengan konsep 1Malaysia yang diilhamkan oleh YAB Perdana Menteri."

(Perdana Menteri)

9. PR-1253-U51948

Datuk Dr. Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa golongan belia hari ini adalah pemimpin hari esok. Dan mengambil maklum bahawa keruntuhan moral golongan belia hari ini amat merunsingkan kerana kekurangan penekanan moral dan pendidikan agama mereka di peringkat sekolah, terutama sekali mereka dari kalangan bukan Islam. Dan mengambil maklum bahawa, para ibu bapa murid-murid bukan Islam khuatir bahawa anak-anak mereka tidak diberikan pendedahan moral yang secukupnya termasuklah hal penukaran agama mereka tanpa pengetahuan mereka. Maka, untuk menepis semua masalah, kekeliruan dan kekhuitiran di atas, Dewan hendaklah mengambil ketetapan untuk meminta Kerajaan untuk memberikan masa 2-3 jam seminggu (waktu sekolah) kepada murid-murid bukan Islam untuk mendalami agama mereka masing-masing, penghayatan rukun negara, adat istiadat kaum mereka dan mempelajari bahasa ibunda mereka."

(Menteri Pelajaran)

10. PR-1253-U52166

Dr. Tan Seng Giaw [Kepong] akan mencadangkan:-

"Bahawa dewan ini membahaskan sensitiviti agama dan kaum untuk mencari cara-cara memastikan keamanan dan keharmonian masyarakat majmuk ini."

(Perdana Menteri)

11. PR-1253-U52168

Dr. Tan Seng Giaw [Kepong] akan mencadangkan:-

"Bahawa dewan ini membincangkan dasar dan langkah untuk meningkatkan standard sukan di Malaysia, termasuk kewangan, akar umbi, persatuan dan latihan terutamanya selepas Olimpik London."

(Menteri Belia dan Sukan)

12. PR-1253-U51271

Datuk Eric Enchin Majimbun [Sepanggar] akan mencadangkan:-

"Bahawa Dewan ini dengan seriusnya mencadangkan agar hari Kemerdekaan "Malaysia" tidak disalah tafsir memandangkan perbezaan tahun bagi Semenanjung (Malaya) dengan Sabah dan Sarawak. Contohnya "Kemerdekaan 55 tahun" bukan keseluruhannya benar. Maka untuk diguna sebagai rekod Kerajaan maka Hari Kebangsaan bagi tarikh 31 Ogos dan Hari Malaysia bagi 16 September haruslah diperjelaskan demi untuk memperbetulkan rekod khasnya sejarah Malaysia bagi generasi rakyat yang menjunjung Kedaulatan Negara".

(Menteri Penerangan, Komunikasi dan Kebudayaan)

13. PR-1253-U51273

Datuk Eric Enchin Majimbun [Sepanggar] akan mencadangkan:-

"Bahawa Dewan ini mencadang dan menetapkan satu penyeragaman harga-harga runcit bagi barang keperluan harian, binaan, pembangunan dan sebagainya demi mengukuhkan rakyat dalam slogan" Satu Malaysia". Tidak ada guna untuk melaung-laungkan slogan ini dengan adanya rakyat yang jauh ketinggalan taraf kehidupannya disebabkan perbezaan harga-harga. Maka satu pendekatan serius dan utama haruslah diimplementasikan."

(Menteri Perdagangan Dalam Negeri, Koperasi & Kepenggunaan)

14. PR-1253-U51275

Datuk Eric Enchin Majimbun [Sepanggar] akan mencadangkan:-

"Bahawa Dewan ini dengan tegasnya menetapkan agar Suruhanjaya Siasatan Diraja yang diumumkan bagi Sabah menjalankan kewajipan dengan penuh bertanggungjawab sebagai rakyat Malaysia yang berdaulat. Peningkatan penduduk Sabah yang sangat mendadak haruslah diambil perhatian utama dimana telah melambung tinggi sebanyak 390% dalam masa 40 tahun dari 1970-2010, khasnya dengan pertumbuhan satu kaum sahaja berbanding dengan kaum etnik yang lain tidak mencerminkan ketamadunan rakyat Sabah. Ordinan Kelahiran dan Kematian Sabah 1953 yang diisyihar sebagai Undang-Undang Persekutuan melalui warta LN 37/65 yang jelas mengutamakan proses lewat pendaftaran kelahiran melalui Mahkamah Sivil."

(Perdana Menteri)

15. PR-1253-U51453

Tuan Kulasegaran a/l Murugeson [Ipoh Barat] akan mencadangkan:-

"Bahawa Dewan Rakyat ini mengambil maklum bahawa Perdana Menteri telah pada awal tahun ini mengumumkan akam pembinaan enam (6) Sekolah Tamil yang baru tetapi sehingga kini tiada apa-apa tindakan susulan diambil untuk mengimplementasikan janji yang dibuat oleh Perdana Menteri dan dengan ini memohon Dewan Rakyat Yang Mulia ini mengarahkan Kerajaan menepati janjinya."

(Menteri Pelajaran)

16. PR-1253-U52728

Tuan Mohsin Fadzli bin Haji Samsuri [Bagan Serai] akan mencadangkan:-

"Bahawa Dewan ini mencadangkan supaya ditubuhkan Bank Waqaf untuk mencegah harta orang Islam/Bumiputera terjual serta membangunkan harta tersebut secara komersial ."

(Perdana Menteri)

17. PR-1253-U52729

Tuan Mohsin Fadzli bin Haji Samsuri [Bagan Serai] akan mencadangkan:-

"Bahawa Dewan ini minta mengkaji semula caj insurans kenderaan motorsikal diturunkan tanpa mengenakan loading yang membebankan rakyat. Naikkan bayaran cukai jalan dari RM 2 ke RM 10 sebab kenaikan cukai jalan akan meningkatkan pendapatan kerajaan dan dinikmati oleh rakyat, manakala kenaikan insurans hanya dinikmati oleh syarikat sahaja."

(Menteri Kewangan)

18. PR-1253-U52731

Tuan Mohsin Fadzli bin Haji Samsuri [Bagan Serai] akan mencadangkan:-

"Bahawa Dewan ini minta mengadakan satu mekanisme untuk menghalang warga bukan negara dari menikmati subsidi ke atas barang seperti beras, gula, minyak masak dan bahan api."

(Menteri Perdagangan Dalam Negeri, Koperasi & Kepenggunaan)

19. PR-1253-U52732

Tuan Mohsin Fadzli bin Haji Samsuri [Bagan Serai] akan mencadangkan:-

"Bahawa Dewan ini meminta pihak pengendali Touch & GO untuk mengadakan lorong tambah nilai di laluan Plaza Tol bagi kemudahan pengguna tanpa ke pejabat atau agen stesen minyak. Melalui agen dikenakan caj 50 sen bagi setiap top-up manakala di pejabat pula menyusahkan pengguna."

(Menteri Kerja Raya)

20. PR-1253-U52734

Tuan Mohsin Fadzli bin Haji Samsuri [Bagan Serai] akan mencadangkan:-

"Bahawa Dewan ini meminta pihak berkuasa Majlis Keselamatan Jalan Raya supaya mengkaji semula dan menaikkan kadar had laju kenderaan dari 110 Km/jam ke 130 Km/jam (lebuhraya) kerana kenderaan pada masa kini mempunyai ciri-ciri keselamatan yang tinggi."

(Menteri Kerja Raya)

21. PR-1253-U52840
Dato' Zulkifli bin Noordin [Kulim Bandar Baru] akan mencadangkan:-

"Bahawa Dewan ini mengambil ketetapan mencadangkan kepada Kerajaan supaya menamakan "Stadium Badminton Kuala Lumpur" kepada "Akademi Badminton Punch Gunalan" sebagai mengenang jasa dan sumbangan mendiang Datuk Punch Gunalan kepada negara dalam bidang dan pembangunan sukan badminton."

(Menteri Wilayah Persekutuan dan Kesejahteraan Bandar)

22. PR-1253-U52842
Dato' Zulkifli bin Noordin [Kulim Bandar Baru] akan mencadangkan:-

"Bahawa Dewan ini mengambil ketetapan mencadangkan kepada Kerajaan supaya mengeluarkan lesen kepada mana-mana pihak yang berkelayakan untuk menuju dan menjalankan khidmat penerbangan kos rendah sebagai alternatif dan/ atau tambahan kepada syarikat penerbangan AirAsia dengan syarat ia menjadikan terminal KLIA 2 sebagai hub operasi mereka."

(Menteri Pengangkutan)

23. PR-1253-U52843
Dato' Zulkifli bin Noordin [Kulim Bandar Baru] akan mencadangkan:-

"Bahawa Dewan ini mengambil ketetapan mencadangkan kepada Kerajaan supaya menjadikan tarikh 13 Mei setiap tahun sebagai "Hari Mahabbah" sebagai memperingati peristiwa hitam rusuhan kaum yang berlaku pada 13 Mei 1969 agar rakyat bukan sahaja tidak lupa sejarah hitam tersebut serta dalang-dalang dan punca terjadinya peristiwa tersebut,

malahan yang lebih penting untuk menyedarkan rakyat betapa pentingnya toleransi agama dan perkauman diamalkan di negara ini agar rakyat boleh terus hidup dalam suasana aman dan harmoni dan keselamatan negara dan ketenteraman awam terus terpelihara daripada anasir-anasir cauvinis dan perkauman sempit yang cuba diterapkan oleh segelintir rakyat Malaysia."

(Menteri Penerangan, Komunikasi dan Kebudayaan)

24. PR-1253-U52846

Dato' Zulkifli bin Noordin [Kulim Bandar Baru] akan mencadangkan:-

"Bahawa Dewan ini mengambil ketetapan mengutuk tindak tanduk sebuah syarikat yang didaftar di Suruhanjaya Syarikat Malaysia dengan nama Suara Inisiatif Sdn. Bhd. tetapi menjalankan kegiatan dan aktiviti seperti sebuah badan bukan kerajaan dengan nama dan gaya "Suara Rakyat Malaysia @ Suaram" yang berterusan menjalankan kegiatan memburuk-burukkan kepimpinan negara khususnya YAB Perdana Menteri dengan putar-belit isu Scorpene dan kaitannya dengan wanita Mongolia bernama Altantuya Shaaribu; dan mendesak pihak berkuasa supaya menyiasat pendedahan bahawa syarikat ini menerima dana bantuan asing untuk kegiatan dan aktivitinya."

(Menteri Perdagangan Dalam Negeri, Koperasi & Kepenggunaan)

25. PR-1253-U52849

Dato' Zulkifli bin Noordin [Kulim Bandar Baru] akan mencadangkan:-

"Bahawa Dewan ini mengambil ketetapan mengutuk tindakan tiga (3) orang pegawai dan diplomat Suruhanjaya Tinggi Singapura yang terbabit dan/ atau melibatkan diri dan/ atau hadir semasa himpunan haram 28 April 2012 yang dilabel sebagai Himpunan Bersih 3 dan mendesak Kerajaan supaya melucutkan status diplomatik mereka dan/ atau mengisyiharkan mereka sebagai persona-non-grata dan mendesak Kerajaan Singapura supaya memanggil ketiga-tiga pegawai & diplomat tersebut kembali ke Singapura dan selanjutnya menuntut Kerajaan Singapura memohon maaf atas tindakan pegawai dan diplomatnya tersebut dan memberi jaminan ianya tidak akan berulang lagi."

(Menteri Luar Negeri)

26. PR-1253-U52854

Dato' Zulkifli bin Noordin [Kulim Bandar Baru] akan mencadangkan:-

"Bahawa Dewan ini mengambil ketetapan agar Kerajaan mengambil langkah supaya Jadual 9 Senarai 2 (1) Perlembagaan Persekutuan dipinda dengan membuang perkataan seperti berikut:- tetapi tidak mempunyai bidang kuasa mengenai kesalahan-kesalahan kecuali setakat yang diberi oleh undang-undang persekutuan dan diganti dengan perkataan berikut; dan mempunyai bidangkuasa mengenai apa-apa juga kesalahan jenayah syarie dan lain-lain yang ditetapkan atau diperuntukkan di dalam dan menurut hukum syaria'

dan undang-undang Islam (termasuk hudud, qisas dan ta'zir) termasuk membicarakan, memutuskan dan menghukum mana-mana orang Islam yang berkenaan menurut sabitan dan hukuman yang ditetapkan oleh hukum syara' dan undang-undang Islam serta melaksana dan menguatkuasakan apa jua hukuman dan/ atau perintah yang dikeluarkannya. Dan proviso kepada Seksyen 2, Akta Mahkamah Syariah (Bidangkuasa Jenayah) 1965 (Akta 355) hendaklah dipinda bersesuaian dengan pindaan kepada Jadual 9 Senarai 2 (1) Perlembagaan Persekutuan seperti yang dinyatakan di atas dan hendaklah berbunyi seperti berikut : Mahkamah Syariah tersebut hendaklah mempunyai bidangkuasa mengenai apa-apa jua kesalahan jenayah syarie dan lain-lain yang ditetapkan atau diperuntukkan di dalam dan menurut hukum syara' dan undang-undang Islam (termasuk hudud, qisas dan ta'zir) termasuk membicarakan, memutuskan dan menghukum mana-mana orang Islam yang berkenaan menurut sabitan dan hukuman yang ditetapkan oleh hukum syara' dan undang-undang Islam serta melaksana dan menguatkuasakan apa jua hukuman dan/ atau perintah yang dikeluarkannya. Bahawa Dewan ini mengambil maklum umat Islam wajib melaksanakan syariat Islam termasuk undang-undang jenayahnya seperti hudud, qisas dan ta'zir tanpa sebarang pengubahsuaihan dan pindaan seperti yang berlaku sekarang dan Dewan mengambil maklum bahawa kegagalan melaksanakan sistem perundangan Islam sepenuhnya ini akan boleh membatalkan aqidah umat Islam."

(Perdana Menteri)

27. PR-1253-U52858

Dato' Zulkifli bin Noordin [Kulim Bandar Baru] akan mencadangkan:-

"Bahawa Dewan ini mengambil ketetapan agar Kerajaan Persekutuan mengambil langkah supaya Artikel 4 Perlembagaan Persekutuan dipinda dengan menambah perkataan seperti berikut (seperti yang dihitamkan): Perlembagaan ini adalah undang-undang utama Persekutuan dan, kecuali undang-undang dan syariat Islam, apa-apa undang-undang yang diluluskan berlawanan dengan Perlembagaan ini dan undang-undang Islam atau hukum syara' hendaklah terbatal setakat ianya berlawanan itu.

Bahawa Dewan mengambil maklum bahawa banyak keadaan dimana hukum syara' dan syariat Islam telah terbatal dan atau tidak dapat dilaksanakan kerana Artikel 4 Perlembagaan Persekutuan ini yang meletakkan undang-undang negara mengatasi semua undang-undang dan peraturan lain termasuk undang-undang serta syariat Islam seperti pengharaman pemakaian serban disekolah-sekolah kebangsaan, pemakaian purdah dan jilbab di jabatan-jabatan kerajaan, perlaksanaan undang-undang syarak seperti khalwat, zina, qazaf yang bercanggah dengan hukum syara' dan lain-lain."

(Perdana Menteri)

28. PR-1253-U52861

Dato' Zulkifli bin Noordin [Kulim Bandar Baru] akan mencadangkan:-

"Bahawa Dewan ini mengambil ketetapan agar Kerajaan Persekutuan mengambil langkah segera untuk mengesahkan dan mengisyiharkan bahawa Malaysia bukan negara sekular seperti India sebaliknya sebuah negara yang mengamalkan dwi-sistem (sistem perundangan hybrid) iaitu dengan meminda Artikel 3 Perlembagaan Persekutuan dengan menambah perkataan seperti berikut (seperti yang dihitamkan): Islam adalah agama bagi Persekutuan termasuk dari segi undang-undang dan syariatnya. Bahawa Dewan mengambil maklum bahawa keputusan Mahkamah di dalam kes Che Omar Che Soh v. Pendakwaraya dan Jamaluddin Osman v. Menteri Dalam Negeri telah banyak diputarbelit dan disalahtafsir oleh golongan tertentu untuk memberi gambaran kononnya Malaysia adalah negara sekular sedangkan hakikatnya Malaysia bukanlah negara sekular sebaliknya negara yang meletakkan Islam sebagai agama bagi Persekutuan, maka dengan pindaan kepada Artikel 3 Perlembagaan Persekutuan seperti yang dicadangkan akan memperjelaskan perihal kedudukan status negara ini tanpa sebarang keraguan lagi."

(Perdana Menteri)

29. PR-1253-U52863

Dato' Zulkifli bin Noordin [Kulim Bandar Baru] akan mencadangkan:-

"Bahawa Dewan ini mengambil ketetapan mendesak Menteri di Jabatan Perdana Menteri supaya meminda Akta Mahkamah Keadilan 1964 (Courts of Judicature Act 1964) (Akta 91) dengan memasukkan peruntukan baru di Seksyen 4 seperti berikut: Seksyen 4A: Di dalam keadaan dimana terdapat isu dan/ atau pertikaian membabitkan dan atau melibatkan agama Islam dari segi aqidah, kepercayaan, hukum-hakam, syariat dan/atau apa juga persoalan mengenai Islam, maka Mahkamah wajiblah merujuk isu, persoalan dan/ atau pertikaian itu kepada Mahkamah Syariah untuk suatu keputusan atau penghakiman; dan semua prosiding hendaklah ditangguhkan sehingga keputusan atau penghakiman Mahkamah Syariah itu dibuat, dan keputusan atau penghakiman Mahkamah Syariah bagi isu, persoalan dan/ atau pertikaian itu hendaklah mengikat Mahkamah tersebut. Bahawa Dewan menginsafi masalah membabitkan isu, pertikaian atau persoalan mengenai Islam jika diputuskan di Mahkamah sekular berdasarkan undang-undang sivil boleh mencetuskan salah faham dan kekeliruan. Ini berlaku kerana isu dan persoalan membabitkan kefahaman terhadap undang-undang dan syariat Islam dalam konteks syariah dan Islam tidak difahami, dihayati dan diinsafi oleh Mahkamah sekular yang membicara dan memutuskan sesuatu isu tersebut menurut peruntukan undang-undang sivil yang terbatas dan terhad kepada pembicaraan soal perundangan sekular semata-mata, malahan menolak untuk menerima pakai kefahaman syarie dan Islam.

Sebenarnya inilah yang telah berlaku di dalam kes Maria Hertogh @ Natrah pada tahun 1950 apabila Mahkamah sivil Singapura yang mengguna pakai undang-undang sivil British menolak untuk menerima pakai undang-undang Islam dan syariatnya dengan menolak aqidah dan keislaman Natrah dan perkahwinan Natrah dengan Almarhum Mansor Adabi yang mana menurut undang-undang Islam dan hukum syara' keislaman dan perkahwinan Natrah adalah sah kerana beliau sudah aqil baligh mengikut hukum syarak dan merupakan seorang mukallaf dan hukum taklif berlaku kepada beliau. Begitu juga di dalam beberapa kes dimana Islam melihat sesuatu isu itu dari segi aqidah, tetapi Mahkamah sekular melihatnya dari sudut istilah dan perundangan sivil. Sekiranya peruntukan seperti yang dicadangkan di atas wujud, maka Dewan menginsafi bahawa isu ini akan dapat diselesaikan dengan baik menurut peruntukan undang-undang yang terpakai bagi isu tersebut."

(Perdana Menteri)

30. PR-1253-U52866

Dato' Zulkifli bin Noordin [Kulim Bandar Baru] akan mencadangkan:-

"Bahawa Dewan ini mengambil ketetapan agar Kerajaan Persekutuan mengambil langkah supaya Artikel 11 (1) Perlembagaan Persekutuan dipinda dengan menambah perkataan seperti berikut (seperti yang dihitamkan): Tiap-tiap orang adalah berhak menganuti dan mengamalkan agamanya, termasuk menukar agamanya kecuali bagi penganut agama Islam yang hendaklah tertakluk kepada undang-undang dan syariat Islam. Bagi maksud penganut agama Islam, soal kemasukan dan kemurtadan dari agama Islam hendaklah ditentukan oleh Mahkamah Syariah yang mempunyai bidang kuasa mutlak keatasnya. Bahawa Dewan ini mengambil maklum bahawa walaupun Mahkamah Persekutuan di dalam beberapa kes termasuk Azlina Jailani @ Lina Joy v. Majlis Agama Islam Wilayah Persekutuan dan Jabatan Pendaftaran Negara memutuskan bahawa dalam hal ehwal dan permasalahan kemasukan atau kemurtadan daripada Islam hanya Mahkamah Syariah mempunyai bidang kuasa dan Mahkamah sivil tidak boleh mempunyai apa-apa bidang kuasa menurut Artikel 121 (1A), namun masih lagi ada pihak yang mempertikaikan dan membawa kes seumpama ini ke Mahkamah sivil dimana dalam kes melibatkan seorang Punjabi Muslim mayatnya terlantar di Hospital Sg. Buloh, Selangor selama sebulan kerana Mahkamah Sivil masih mahu mendengar kes-kes seumpama ini, sedangkan merupakan fadhu Kifayah ke atas umat Islam untuk menyegerakan pengurusan dan pengkebumian jenazah mana-mana orang Islam yang telah meninggal dunia. Dengan adanya peruntukan seumpama diatas maka isu seperti ini tidak akan berbangkit lagi."

(Perdana Menteri)

31. PR-1253-U52868

Dato' Zulkifli bin Noordin [Kulim Bandar Baru] akan mencadangkan:-

"Bahawa Dewan ini membuat ketetapan mendesak supaya Mahkamah sivil yang diwujudkan menurut Artikel 121 Perlembagaan Persekutuan menghormati dan tidak mencampuri hak dan bidang kuasa Mahkamah Syariah yang diperuntukkan menurut Artikel 121 (1A) Perlembagaan termasuk hak dan bidang kuasa mutlak menentukan siapa yang boleh diterima masuk dan didaftarkan sebagai seorang Peguam Syarie. Ini adalah kerana kalau Mahkamah sivil tersebut mencampuri urusan hak dan bidang kuasa Mahkamah Syariah dalam penentuan kemasukan dan pendaftaran peguam syarie, apakah itu bermakna Mahkamah Syariah boleh mencampuri urusan hak dan bidangkuasa Mahkamah sivil untuk penentuan kemasukan dan pendaftaran seseorang peguam sivil di Mahkamah sivil."

(Perdana Menteri)

32. PR-1253-U52870

Dato' Zulkifli bin Noordin [Kulim Bandar Baru] akan mencadangkan:-

"Bahawa Dewan ini membuat ketetapan mencadangkan supaya undang-undang yang berkaitan dipinda untuk memberi pilihan dan opsyen kepada mana-mana individu beragama Islam yang dikenakan sebarang pertuduhan jenayah untuk memilih forum perbicaraan di Mahkamah Syariah yang berbidangkuasa berdasarkan peruntukan undang-undang yang ada dimana-mana Akta atau Enakmen Syariah. Ini adalah kerana seorang Muslim berhak untuk dibicarakan menurut undang-undang Islam demi menjaga aqidah dan syariat seseorang Muslim itu dan bersesuaian dengan Artikel 3 dan Artikel 11 (1) Perlembagaan Persekutuan berkenaan kedudukan Islam sebagai agama bagi Persekutuan dan hak kebebasan menganut dan mengamalkan agama masing-masing."

(Perdana Menteri)

33. PR-1253-U52872

Dato' Zulkifli bin Noordin [Kulim Bandar Baru] akan mencadangkan:-

"Bahawa Dewan ini membuat ketetapan mencadangkan kepada YAB Perdana Menteri dan Kerajaan Malaysia supaya memberikan anugerah Tokoh Maal Hijrah 1434 (Peringkat Antarabangsa) ataupun Tokoh Perdana Maulidur Rasul 1434 (Peringkat Antarabangsa) kepada saudara Yusuf Islam @ Cat Steven bagi mengenang jasa saudara Yusuf Islam yang telah memberi sumbangan besar kepada usaha menyebarkan risalah Islam dan kerja-kerja da'wah ke seluruh dunia."

(Perdana Menteri)

34. PR-1253-U52873

Dato' Zulkifli bin Noordin [Kulim Bandar Baru] akan mencadangkan:-

"Bahawa Dewan ini membuat ketetapan mencadangkan kepada YAB Perdana Menteri dan Kerajaan Malaysia supaya memberikan anugerah darjah kebesaran yang membawa gelaran "TUN" secara "post-humous" (dengan izin) kepada Allahyarham Sahibul Fadhilah Sheikh Muhammad Idris Al Marbawi dan Allahyarham Sahibul Fadhilah Sheikh Abdullah Bin Basmeih dan menubuhkan kerusi khas atas nama mereka dimana-mana Universiti atau Institusi Pengajian Tinggi terpilih bagi mengenang jasa mereka yang besar kepada usaha memartabatkan dan memajukan pengembangan dakwah dan ilmu Islam melalui karya-karya besar mereka dan lain-lain usaha yang telah mereka lakukan."

(Perdana Menteri)

35. PR-1253-U52874

Dato' Zulkifli bin Noordin [Kulim Bandar Baru] akan mencadangkan:-

"Bahawa Dewan ini membuat ketetapan mencadangkan kepada YAB Perdana Menteri dan Kerajaan Malaysia supaya memberikan anugerah darjah kebesaran yang membawa gelaran Tan Sri secara "post-humous" (dengan izin) kepada Allahyarham Sasterawan Negara Usman Awang bagi mengenang jasa beliau yang besar kepada usaha memartabatkan dan memajukan bahasa Melayu melalui karya-karya besarnya dan lain-lain usaha yang telah Allahyarham lakukan."

(Perdana Menteri)

36. PR-1253-U52876

Dato' Zulkifli bin Noordin [Kulim Bandar Baru] akan mencadangkan:-

"Bahawa Dewan ini membuat ketetapan mencadangkan kepada YAB Perdana Menteri, YAB Menteri-Menteri Besar dan Kerajaan Persekutuan serta Kerajaan Negeri supaya melakukan semakan semula senarai penerima anugerah kebesaran persekutuan atau negeri dengan tujuan untuk dilakukan pembersihan termasuk menarik balik dan/ atau membatalkan anugerah dan gelaran yang diberi kepada mereka yang telah dan/ atau pernah disabitkan dengan sebarang kesalahan jenayah dan yang didaftarkan di Pusat Pendaftaran Penjenayah (Criminal Registration Center)."

(Perdana Menteri)

37. PR-1253-U52877

Dato' Zulkifli bin Noordin [Kulim Bandar Baru] akan mencadangkan:-

"Bahawa Dewan ini membuat ketetapan mencadangkan supaya satu kajian dibuat dengan tujuan menggubal undang-undang yang bersesuaian untuk memansuhkan keperluan mengadakan pilihan raya kecil bagi kerusi yang kosong atau dikosongkan oleh mana-mana wakil rakyat sama ada di peringkat Parlimen ataupun Dewan Undangan Negeri termasuk kemungkinan memberikan kerusi yang kosong atau dikosongkan itu kepada parti yang telah memenanginya semasa pilihanr aya umum untuk menentukan calon yang mengganti dan/ atau mengisi kekosongan tersebut. Ini sekaligus dapat mengelakkan keperluan mengadakan pilihanraya kecil yang melibatkan kos yang tinggi dan menyebabkan masyarakat Malaysia terlibat dengan kegiatan politik tanpa kesudahan."

(Perdana Menteri)

38. PR-1253-U52878

Dato' Zulkifli bin Noordin [Kulim Bandar Baru] akan mencadangkan:-

"Bahawa Dewan ini mengambil ketetapan mencadangkan kepada Kerajaan Persekutuan dengan kerjasama semua Kerajaan Negeri supaya menubuhkan sebuah badan dikenali sebagai Majlis Ulama Negara dan melantik seorang Mufti Negara sebagai Ketua bagi dan dengan kuasa dan otoriti mengatasi kesemua Mufti-Mufti dan menjadi Pengerusi bagi Majlis Fatwa Kebangsaan dengan tanggungjawab dan menjawab hanya kepada Yang DiPertuan Agong dan Majlis Raja-Raja. Selanjutnya Dewan ini megambil ketetapan mendesak Kerajaan supaya memberi kuasa dan bidangkuasa jelas kepada Majlis Fatwa Kebangsaan untuk menguatkusa dan melaksanakan fatwa-fatwa yang dikeluarkannya dan mana-mana orang yang mempersoalkan dan/ atau mempertikaikan Fatwa-fatwa tersebut hendaklah dianggap melakukan penghinaan terhadap agama Islam dan diambil tindakan tegas menurut Seksyen 298A Kanun Keseksaan atau di bawah mana-mana undang-undang (Persekutuan atau Negeri)."

(Perdana Menteri)

39. PR-1253-U52879

Dato' Zulkifli bin Noordin [Kulim Bandar Baru] akan mencadangkan:-

"Bahawa Dewan ini mengambil langkah mengiktiraf Palestin sebagai sebuah negara yang berdaulat dan merdeka mengikut persempadanan sebelum tahun 1967 dan menubuhkan sebuah jawatankuasa caucus khusus untuk menangani dan memantau dan mengambil langkah-langkah berkaitan dengan masalah Palestin dan menamakan badan ini sebagai "Jawatankuasa Caucus bagi Palestin"

dengan melantik YB Kepala Batas (atau mana-mana Ahli Parlimen yang dipertimbangkan sesuai) sebagai Pengurus Caucus tersebut dan selanjutnya Dewan ini mendesak Kerajaan Mesir supaya membuka semula pintu Rafah dan memberi kebebasan keluar/ masuk kepada rakyat Palestin dan tidak menghalang sebarang usaha-usaha bantuan kemanusiaan oleh mana-mana pihak; dan juga juga mendesak rejim zionis Israel supaya segera mengembalikan hak rakyat Palestin dan mengiktiraf Negara Palestin sebagai negara yang merdeka dan berdaulat dan Baitulmaqdis sebagai ibu negeri Negara Palestin."

(Perdana Menteri)

40. PR-1253-U52881

Dato' Zulkifli bin Noordin [Kulim Bandar Baru] akan mencadangkan:-

"Bahawa Dewan ini mengambil langkah untuk menubuhkan sebuah Jawatankuasa Khas Kabinet dengan segera khusus untuk menangani dan memantau dan mengambil langkah-langkah bersepadau dan berkesan berkaitan dengan hal ehwal masyarakat India dan pengikut agama Hindu dengan tujuan untuk memantapkan kedudukan ekonomi mereka dan hal masalah peribadatan mereka termasuk penyelenggaraan dan pengurusan kuil-kuil mereka dan menyelesaikan permasalahan kewarganegaraan dan kad pengenalan mereka dan dinamakan sebagai Jawatankuasa Khas Kabinet bagi Hal Ehwal Masyarakat India dengan melantik Timbalan Perdana Menteri sebagai Pengurus Jawatankuasa Khas tersebut."

(Perdana Menteri)

41. PR-1253-U52882

Dato' Zulkifli bin Noordin [Kulim Bandar Baru] akan mencadangkan:-

"Bahawa Dewan ini mengambil ketetapan mendesak Kementerian Pelajaran supaya dengan serta-merta menubuhkan sebuah Majlis Buku Negara dengan peruntukan yang mencukupi dan segera menggubal Dasar Buku Negara dan Akta Buku serta mengambil semua langkah yang munasabah dan praktikal untuk membantu, menggalakkan, membangunkan dan memajukan industri buku negara. Selanjutnya Dewan juga membuat ketetapan supaya Dasar Buku Negara seperti yang telah dimaktubkan segera dilaksanakan sepenuhnya dan mencapai matlamat yang disasarkan dalam Dasar Buku Negara tersebut."

(Menteri Pelajaran)

42. PR-1253-U52883

Dato' Zulkifli bin Noordin [Kulim Bandar Baru] akan mencadangkan:-

"Bahawa Dewan ini mengambil ketetapan mendesak Kerajaan Persekutuan supaya mengambil langkah menyiaran dan mewajibkan siaran azan pada tiap-tiap waktu solat fardu yang lima di kesemua tempat awam tanpa sebarang sekatan dan/ atau halangan. Ini adalah kerana sebagai sebuah negara yang meletakkan Islam sebagai agama Persekutuan seperti yang dimaktubkan oleh Artikel 3 Perlembagaan Persekutuan, maka adalah penting untuk syiar Islam dimartabatkan."

(Menteri Penerangan, Komunikasi dan Kebudayaan)

43. PR-1253-U52884

Dato' Zulkifli bin Noordin [Kulim Bandar Baru] akan mencadangkan:-

"Bahawa Dewan ini mengambil ketetapan mendesak Menteri Dalam Negeri mengambil langkah supaya kesemua banduan dan tahanan yang disabit dan dikenakan hukuman penjara sepanjang hayat hendaklah dikurangkan hukuman kepada penjara tidak melebihi 20 (dua puluh tahun) dan bagi yang telah menjalani hukuman melebihi jumlah 20 tahun tersebut (setelah ditolak cuti dan kelakuan baik) hendaklah dibebaskan dengan serta-merta."

(Menteri Dalam Negeri)

44. PR-1253-U52886

Dato' Zulkifli bin Noordin [Kulim Bandar Baru] akan mencadangkan:-

"Bahawa Dewan ini mengambil langkah mendesak Menteri Pengangkutan supaya mengarahkan dan/ atau mengenakan syarat kepada syarikat penerbangan Malaysia Airline, Air Asia atau manapun syarikat penerbangan dalam negeri ini supaya membenarkan kakitangan wanitanya terutama pramugari yang beragama Islam pilihan untuk memakai pakaian / pakaian seragam yang mematuhi hukum syarak termasuk untuk memakai tudung dan pakaian menutup aurat dan boleh memilih untuk tidak menyediakan dan atau menghidangkan arak semasa dalam penerbangan."

(Menteri Pengangkutan)

45. PR-1253-U52887

Dato' Zulkifli bin Noordin [Kulim Bandar Baru] akan mencadangkan:-

"Bahawa Dewan ini mengambil ketetapan mendesak Menteri Pengangkutan melarang dan/ atau mengenakan syarat kepada syarikat Penerbangan Malaysia supaya menghentikan penjualan arak dan lain-lain minuman keras dan yang memabukkan semasa didalam penerbangan."

(Menteri Pengangkutan)

46. PR-1253-U52889

Dato' Zulkifli bin Noordin [Kulim Bandar Baru] akan mencadangkan:-

"Bahawa Dewan ini mengambil ketetapan mendesak Menteri Perdagangan Dalam Negeri,Koperasi dan Kepenggunaan hanya membenarkan penjualan arak, minuman keras dan yang memabukkan dalam apa bentuk sekalipun hanya dipremis-premis khas yang dilesenkan dan hanya khusus untuk masyarakat bukan Islam sahaja; sebagaimana premis khas untuk penjualan nombor ekor, tempat perjudian dan daging khinzir dan lain-lain; dan tidak melesenkan kedai-kedai runcit atau serbaneka daripada menjual arak dan/ atau apa-apa minuman keras dan yang memabukkan dipremisnya. Dewan ini mengambil maklum banyak kes terjadi dimana remaja dan belia beragama Islam yang menyalahgunakan penjualan arak dan minuman beralkohol serta kemudahan kondom di kedai-kedai serbaneka ini untuk kegiatan tidak berakhlek dan bermoral, yang akhirnya membawa kepada timbulnya gejala sosial yang serius seperti kegiatan merempit yang melampau, perzinaan, perogolan dan kesalahan seksual dan kesembuangan bayi."

(Menteri Perdagangan Dalam Negeri, Koperasi & Kepenggunaan)

47. PR-1253-U52891

Dato' Zulkifli bin Noordin [Kulim Bandar Baru] akan mencadangkan:-

"Bahawa Dewan ini mengambil ketetapan mendesak Perdana Menteri supaya dengan segera mengujudkan Kementerian Hal Ehwal Sabah & Sarawak (atau singkatannya "KHASS") dengan seorang Menteri berjawatan penuh untuk menjaga hal ehwal pembangunan, infrastruktur, kebijakan dan kepentingan rakyat Sabah & Sarawak termasuk memberi portfolio berkaitan Koridor Ekonomi Sabah/Sarawak, dan kesemua agensi pembangunan Persekutuan mestilah melalui Kementerian ini supaya segala projek pembangunan & infrastruktur di Sabah dan Sarawak dapat diselaraskan dan dikawal selia serta dipantau dengan lebih berkesan."

(Perdana Menteri)

48. PR-1253-U52893

Dato' Zulkifli bin Noordin [Kulim Bandar Baru] akan mencadangkan:-

"Bahawa Dewan ini mengambil ketetapan mencadangkan kepada Menteri di Jabatan Perdana Menteri supaya mengkaji dan melaksanakan projek membesarkan dan membaikpulih Masjid Jame' Bandaraya Kuala Lumpur termasuk membina mihrab dan mimbar baru yang bersesuaian,

menurap keseluruhan tapak Masjid tersebut dengan marmar sebagaimana yang dibuat di Masjidil Haram dan Masjid Nabawi serta memperkuuhkan bumbung Masjid tersebut agar dapat menampung jemaah untuk mengerjakan solat terutamanya solat Jumaat dan kedua Eidulfitri & Eiduladha memandangkan pertambahan jemaah yang semakin meningkat mutakhir ini."

(Perdana Menteri)

49. PR-1253-U52896

Dato' Zulkifli bin Noordin [Kulim Bandar Baru] akan mencadangkan:-

"Bahawa Dewan ini mengambil ketetapan mendesak Kementerian Dalam Negeri dan Kementerian Sumber Manusia supaya mengeluarkan larangan terhadap mana-mana pembantu rumah asing yang beragama Islam daripada bekerja dengan mana-mana majikan yang bukan beragama Islam. Ini adalah kerana terdapat banyak aduan pembantu-pembantu rumah asing yang beragama Islam yang dipaksa memakai pakaian bercanggah dengan Islam seperti berseluar pendek, memakan makanan dan minuman yang haram seperti babi dan arak, serta dipaksa memandikan dan membela anjing dan tinggal dipersekutaran dan suasana yang jelas bercanggah dan/ atau tidak bersesuaian dengan seorang Muslim."

(Menteri Dalam Negeri)

50. PR-1253-U52898

Dato' Zulkifli bin Noordin [Kulim Bandar Baru] akan mencadangkan:-

"Bahawa Dewan ini mengambil ketetapan mencadangkan kepada Kementerian Kewangan supaya memberikan pencarum KWSP yang beragama Islam mengeluarkan simpanan mereka bagi tujuan mengerjakan ibadah haji bagi diri mereka dan keluarga terdekat sekurang-kurangnya sekali dalam seumur hidup mereka walaupun belum mencapai umur persaraan 55 tahun; Selanjutnya Dewan juga mengambil ketetapan mendesak Kementerian Kewangan supaya segera mengambil langkah memansuhkan Seksyen 167 Akta Insurans dan Peraturan 6 Peraturan KWSP 2001 yang banyak menimbulkan masalah dan disalahgunakan oleh penama yang dinamakan sebagai benefisiari kerana banyak kes dimana penama apabila menerima wang caruman daripada KWSP telah tidak membahagikan wang tersebut menurut syara' dan hukum faraid; atau sebagai alternatif mengenakan syarat kepada pengurusan KWSP supaya wang caruman simati tidak dibayar kepada penama kecuali mereka telah mengemukakan sijil faraid daripada Mahkamah Syariah dan pembayaran dibuat oleh KWSP terus kepada waris-waris yang dinamakan didalam sijil faraid yang dikeluarkan oleh Mahkamah Syariah yang berbidangkuasa tersebut."

(Menteri Kewangan)

51. PR-1253-U52900

Dato' Zulkifli bin Noordin [Kulim Bandar Baru] akan mencadangkan:-

"Bahawa Dewan ini mengambil ketetapan mendesak Kementerian Pertahanan supaya mewujudkan kem-kem Program Latihan Khidmat Negara (PLKN) yang mengambil hanya pelatih wanita sahaja sebagai pilihan bagi mereka dan ibu-bapa yang mahukan anak perempuan mereka diasingkan kerana terlalu banyak aduan pelatih-pelatih wanita yang melalui pengalaman diganggu oleh sama ada pelatih atau petugas lelaki sehingga ada yang ke peringkat mencabul, mendera dan merogol; ramai ibu-bapa yang mengadu anak perempuan mereka yang apabila kembali daripada PLKN berubah menjadi terlalu terbuka dalam pergaulan dan perhubungan dengan lelaki walaupun sebelum ke PLKN anak-anak mereka sangatlah bersopan dan menjaga akhlak dan batasan pergaulan dengan lelaki; Selanjutnya Dewan mengambil ketetapan mendesak Kementerian Pertahanan supaya menerapkan dalam syllabus latihan kepada pelatih-latih beragama Islam modul nilai Islam seperti mewajibkan solat jemaah pada tiap waktu solat fardu, qiamullail dan tahajjud, dan melatih mereka supaya mengimarahkan masjid dengan selalu mengadakan program qiamullail dimana-mana masjid berhampiran kem PLKN, yang mana ini akan bukan sahaja menjalinkan ukhwah dan persaudaraan dengan masyarakat sekeliling, ianya juga akan memperkuuh dan memperkuatkan aspek spiritual dan kerohanian pelatih-pelatih PLKN."

(Menteri Pertahanan)

52. PR-1253-U52906

Dato' Zulkifli bin Noordin [Kulim Bandar Baru] akan mencadangkan:-

"Bahawa Dewan ini mengambil ketetapan mencadangkan kepada Kementerian Dalam Negeri, dengan kerjasama Jabatan Perdana Menteri (Bahagian Hal Ehwal Islam) supaya mengkaji kepada keperluan mewujudkan sebuah pusat tahanan, penjara dan/ atau tempat perlaksanaan hukuman bagi mereka yang disabit dan dijatuhkan hukuman oleh mana-mana Mahkamah Syariah yang berbidangkuasa memandangkan tiadanya pusat tahanan, penjara dan/ atau tempat perlaksanaan hukuman bagi pesalah-pesalah syarie seperti yang kita persaksikan dalam kes Kartika Sari Dewi Syukarno. Dewan mengambil perhatian bahawa perlaksanaan hukuman bagi pesalah syarie adalah sangat berbeza dari tujuan, matlamat dan bentuk hukuman bagi pesalah syarie berbanding dengan pesalah di Mahkamah Sivil."

(Menteri Dalam Negeri)

53. PR-1253-U52419

Tuan John a/l Fernandez [Seremban] akan mencadangkan:-

"Bahawa Dewan ini dapat membincangkan untuk memohon kepada pihak International Olympic Committee (IOC) untuk menjadikan acara Sukan Skuasy sebagai salah satu acara yang dipertandingkan di Sukan Olimpik yang akan datang di Rio De Janeiro, Brazil pada tahun 2016 memandangkan Ratu Skuasy Negara, Datuk Nicol Ann David adalah jaguh handalan dunia bagi acara tersebut."

(Menteri Belia dan Sukan)

54. PR-1253-U52423

Tuan John a/l Fernandez [Seremban] akan mencadangkan:-

"Bahawa Dewan ini dapat membahaskan supaya pihak Kerajaan membuat pindaan yang sewajarnya kepada undang-undang jenayah yang tertentu dengan memansuhkan hukuman mati."

(Menteri Dalam Negeri)

55. PR-1253-U52429

Tuan John a/l Fernandez [Seremban] akan mencadangkan:-

"Bahawa Dewan ini dapat membahaskan usaha-usaha yang telah dilaksanakan dan yang akan diambil untuk memantau status kualiti udara di seluruh negara yang tidak sihat dan isu jerebu di negara ini."

(Menteri Sumber Asli dan Alam Sekitar)

56. PR-1253-U52435

Tuan John a/l Fernandez [Seremban] akan mencadangkan:-

"Bahawa Dewan ini dapat membincangkan supaya semua aset-aset yang dimiliki oleh pihak Kerajaan dapat didedahkan kepada pengetahuan orang ramai."

(Perdana Menteri)

57. PR-1253-U52452

Tuan John a/l Fernandez [Seremban] akan mencadangkan:-

"Bahawa Dewan ini membahaskan apakah program jangka panjang yang diambil oleh pihak Kementerian dalam membangunkan dan meningkatkan tahap aktiviti dan penyertaan sukan dalam kalangan masyarakat, Latihan kepada atlet,

jurulatih dan pegawai sukan untuk pertandingan di peringkat kebangsaan dan antarabangsa supaya lebih banyak pingat diperolehi dalam pertandingan sukan antarabangsa seperti Sukan Asia, Sukan Komanwel, Sukan SEA dan Sukan Olimpik."

(Menteri Belia dan Sukan)

58. PR-1253-U52457

Tuan John a/l Fernandez [Seremban] akan mencadangkan:-

"Bahawa Dewan ini meminta Kerajaan untuk mengambil tindakan yang sewajarnya untuk mengawal kualiti barang-barang yang terlalu banyak di bawa masuk ke negara ini daripada negara China terutamanya barang-barang makanan dan barang-barang elektronik yang pelbagai jenamanya."

(Menteri Perdagangan Dalam Negeri, Koperasi & Kepenggunaan)

59. PR-1253-U52461

Tuan John a/l Fernandez [Seremban] akan mencadangkan:-

"Bahawa Dewan ini dapat membincangkan mengenai langkah-langkah yang lebih berkesan dapat diambil untuk memupuk perpaduan di antara kaum-kaum di negara ini supaya isu-isu perkauman dapat dihindari bagi mengekalkan keharmonian dan kedamaian kerana negara yang aman dan damai dapat menjamin kebahagiaan dan keselamatan rakyatnya."

(Perdana Menteri)

60. PR-1253-U52470

Tuan John a/l Fernandez [Seremban] akan mencadangkan:-

"Bahawa Dewan ini dapat meminta Kerajaan membincangkan mengenai kesan sosial kepada masyarakat setempat kerana sejak kebelakangan ini masyarakat setempat kecewa dan marah kepada segelintir pelajar antarabangsa di sini yang dikatakan terbabit dalam kegiatan jenayah dan ada yang bersikap tidak menghormati budaya tempatan."

(Menteri Dalam Negeri)

61. PR-1253-U52476

Tuan John a/l Fernandez [Seremban] akan mencadangkan:-

"Bahawa Dewan ini meminta Kerajaan untuk membincangkan supaya cukai taksiran yang dibayar kepada Majlis Perbandaran Tempatan dapat dikurangkan sebanyak 50% dan perlu dibayar hanya sekali setahun (untuk 12 bulan) untuk mengurangkan bebanan rakyat."

(Menteri Perumahan dan Kerajaan Tempatan)

62. PR-1253-U52483

Tuan John a/l Fernandez [Seremban] akan mencadangkan:-

"Bahawa Dewan ini dapat membincangkan supaya Lebuh raya Utara Selatan dapat ditambah laluannya untuk mengelakkan kesesakan jalan raya pada hujung minggu dan semasa musim perayaan. Kualiti dan keadaan jalan juga perlu ditingkatkan untuk memastikan keselamatan dan keselesaan pengguna jalan raya."

(Menteri Kerja Raya)

63. PR-1253-U52485

Tuan John a/l Fernandez [Seremban] akan mencadangkan:-

"Bahawa Dewan ini dapat meminta Kerajaan untuk membahaskan langkah-langkah yang perlu diambil oleh Kementerian untuk mengawal warga asing yang memiliki perniagaan-perniagaan kecil di bandar-bandar besar yang menyebabkan kesukaran bagi peniaga-peniaga tempatan bermiaga dan menyebabkan mereka gulung tikar."

(Menteri Perdagangan Dalam Negeri, Koperasi & Kepenggunaan)

64. PR-1253-U52942

Tuan Liew Chin Tong [Bukit Bendera] akan mencadangkan:-

"Bahawa Dewan ini menyokong cadangan menetapkan sebarang pembelian aset atau sistem pertahanan yang melebihi 100 juta oleh MINDEF, mesti dibawa ke Parlimen dibahas dan diaudit oleh Jabatan Audit Negara sebagai syarat untuk meneruskan pembelian ini. Ini juga bertujuan untuk mempertingkatkan integriti dan keberkesanan pembelian sistem pertahanan. Ini adalah diakibatkan oleh pembelian Jet Sukhoi dan Kapal Selam Scorpene telah menimbulkan banyak persepsi negatif terhadap negara."

(Menteri Pertahanan)

65. PR-1253-U52506

Tuan Gwo-Burne Loh [Kelana Jaya] akan mencadangkan:-

"Bahawa Dewan ini mengambil maklum bahawa Kerajaan Malaysia sebagai anggota Majlis Hak Asasi Manusia Pertubuhan Bangsa-Bangsa Bersatu dalam menguatkuasakan Resolusi 62/149 Bangsa-Bangsa Bersatu mengenai moratorium terhadap hukuman mati yang telah dikuatkuasakan oleh Perhimpunan Agung Bangsa-Bangsa Bersatu pada 18 Disember 2007 di mana negara-negara yang masih mengamalkan hukuman mati diminta untuk menghentikan penggunaan hukuman mati dan mengurangkan jumlah hukuman-hukuman yang membawa hukuman mati secara berperingkat dan melaksanakan moratorium terhadap kesemua hukuman-hukuman mati dengan hasrat untuk menghapuskan hukuman ini sama sekali. Maka ini Dewan hendaklah mengambil ketetapan untuk meminta Kerajaan melalui Kementerian Luar Negeri untuk membantu mematuhi moratorium tersebut dan meminda undang-undang yang bercanggah dengan moratorium tersebut."

(Menteri Luar Negeri)

66. PR-1253-U52514

Tuan Gwo-Burne Loh [Kelana Jaya] akan mencadangkan:-

"Bahawa Dewan ini menubuhkan sebuah Suruhanjaya Diraja Siasatan Kes Kematian Tujuh Warga Asing pada hujung Mei 2009 akibat kerja perobohan Jaya Supermarket, Petaling Jaya. Daripada siasatan yang dijalankan, kerja perobohan tersebut tidak mendapat kelulusan Jabatan Keselamatan dan Kesihatan Pekerjaan (DOSH)."

(Perdana Menteri)

67. PR-1253-U52520

Tuan Gwo-Burne Loh [Kelana Jaya] akan mencadangkan:-

"Bahawa Dewan ini mendesak Suruhanjaya Integriti Agensi Penguatkuasaan (SIAP) menjalankan siasatan ke atas kematian Adik Aminulrasyid yang ditembak mati oleh anggota polis. Dewan juga mendesak mengenai pelantikan panel khas di dalam siasatan kes ini. Polis didakwa menyalahgunakan senjata api sehingga menyebabkan Aminulrasyid terbunuh oleh polis. Daripada siasatan dan perbicaraan yang dijalankan, banyak pihak tidak berpuas hati dengan perjalanannya dan diharap agar suruhanjaya ini mampu untuk menjawab pelbagai spekulasi."

(Perdana Menteri)

RISALAT-RISALAT YANG DIBAWA KE DALAM MESYUARAT
(DEWAN RAKYAT)

<u>TAHUN 2012</u>	<u>RISALAT/DOKUMEN</u>	<u>TARIKH DIBENTANGKAN</u>
ST.50	Laporan Tahunan dan Penyata Kewangan Lembaga Perkhidmatan Kewangan Labuan (Labuan FSA) Bagi Tahun 2011	26 September 2012
ST.52	Laporan Tahunan dan Penyata Kewangan LGM Properties Corporation (LGMPC) Bagi Tahun 2011	26 September 2012